

'Fluba nɛn Zaji -a cɛn -tɛ

¹ 'An 'bɔ Zaji nɛn an Bali 'lee Minsan Zozi Crizi "sua bɛ, mɛɛn 'fluba 'gʊɛ -a cɛn -tɛ. Maan cɛn -tɛ Bali -le minnun pɛɛnɔn nɛn 'o fuiladɪ "man 'trɛda bɛ, -wlɛ. An 'ka 'tɔ bo.

E 'ka "le Zozizan 'e 'ci -fɔɔ "dɪ!

² 'An "bʊɪ Zozinɔn, 'wɪ 'tɔndɔn pɛɛnɔn nɛn o bɔa 'ka man bɛ, 'ka yɪ 'cee ci "nran wɪ -a.

³ Kɔɔ te ka yɪ -tɛra Bali da bɛ, ka bɔala 'ji, -e 'e -pɔan 'sɔdɪ -nɔn 'cɛɛ.

⁴ 'Ka yɪɛ 'trɔa "da, -e -pɔan 'sɔdɪ zɪɛ 'e 'kʊ 'kaa -trilii "le zɪ e cɪ Bali ci 'sɔ 'a bɛ, -yee 'wɪ 'zʊ. -E 'ka 'kɔn tɪgɪ, te 'ka drɛ wɪ a 'e 'sʊdɪ "ji Bali 'lɛ.

⁵ 'Pian -te min -tʊ a 'ka yɛi 'nan 'wɪ nɛn kɔ 'e drɛ ya'a tɔa dɪɛ, 'e laabʊ Bali 'lɔ. Bali 'wɪ 'tɔdɪ -nɔan -yrɛ "le zɪ yaa laabʊ -yrɔ "bɛ -yee 'wɪ 'zʊ. Kɔɔ ya'a min bo "va "dɪ, ɛn yaa -nɔan 'e "tun.

⁶ 'Pian min 'bɔ 'e yɪ -tɛra "da -e 'e laabʊ -yrɔ. Te 'e 'ci -fɔɔ "dɪ! Kɔɔ min nɛn 'e 'ci -fɔɔman bɛ, e ya "le "pɛzannɛn nɛn fulɔ 'ta -tɔa "man "bɛ, -yee 'wɪ 'zʊ.

⁷ Maan ve 'cɛɛ 'nan, te -a -cin 'e 'kɔn min zɪɛ -a -ji 'nan, 'e fɛ -tʊ ye Minsan 'lɔ "fo "dɪ.

⁸ Kɔɔ min nɛn 'e 'ci -fɔɔman bɛ, -a -wulo -ji wɪ 'ka -tʊwɪ "dɪ. ɛn -yee 'wɪ pɛɛnɔn drɛdɪ -ji bɛ, ya'a 'e yɪɛ 'tɔala 'wɪ 'tʊ da tɪgɪ -e 'e drɛ dɪ.

Seezan 'lee fɛzan -le 'wɪ

⁹ Min nɛn e ya seezan -a, ɛn e sɔɔnla Zozi -sru "bɛ, -a san ci 'e 'nran 'nan, Bali 'e dra min -dan a.

¹⁰ 'Pian min nɛn e ya fɛzan -a, ɛn e sɔɔnla Zozi -sru "bɛ, -a -cin 'e 'kɔn -a san ji 'nan, e 'ka min -dan a Bali 'lɛ "fo "dɪ. Kɔɔ e "sia 'e yɪfɛ -sru "le zɪ lu 'e -fui -tɛa, -e 'e 'sran bɛ -yee 'wɪ 'zɔ.

¹¹ -Te yidɛ bii 'plɛblɛ bɛ, -e lu -fui 'e 'sran, te -yee fɛnyian -nyan. Zɪ fɛzan "sia 'e yɪfɛ da zɪɛ.

'Wɪ 'wɪdɪ "drɛdɪ -taala 'kɔ!

¹² Min nɛn 'wɪ 'wɪdɪ "cin -trɔa "ji ɛn ya'a drɛlɛ dɪɛ, Bali -le -fɛa -a san man. Kɔɔ -te -a san 'yee 'plɛblɛ 'ci kɔɔn zɪɛ -trilii ɛn e 'bɔla -a -wulo planan "bɛ, 'belidɪ nɛn ya'a 'nyaan dɪɛ e ya -yee vɛ -a. Minnɛn nɛn o Bali ye "yi "bɛ o -kopa nɛn zɪɛ.

¹³ Min nɛn 'wɪ 'wɪdɪ "cin -trɔa "ji "bɛ, te 'e 'pa Bali da dɪ! Kɔɔ 'wɪ 'wɪdɪ "cin 'ka Bali ji dɪ, ɛn Bali 'ka 'wɪ 'wɪdɪ "cin tɔala min ji dɪ.

¹⁴ 'Pian blamin 'bɔ 'wulo -ji wɪ 'bɛ see "paaman, -e 'e 'wɪ 'wɪdɪ "drɛdɪ -cin -tɔ "ji.

¹⁵ -Te min sɔɔnla 'e 'wulo -ji "nrɔndɪ 'wɪdɪ zɪɛ -a -sru "bɛ, -e 'e 'wɪ 'wɪdɪ "drɛ. ɛn -te min 'wɪ 'wɪdɪ drɛ 'trilii bɛ, -a 'le 'srannan "nɛn -kadɪ -a.

¹⁶ An "bɔɪ Zozinɔn, an 'ka ye "yi 'kpa. Te 'ka 'wɪ 'gɔvɛ -a "sia 'ka see "paa wɪ -a dɪ.

¹⁷ Maan ve 'cɛɛ 'nan, 'wɪ "yi 'lee 'wɪ tɪgɪ pɛɛnɔn "sia Bali va lou. -Yɛɛ laji fɛnɛn pɛɛnɔn nɛn o "bia bɛ o drɛ. Fɛnɛn pɛɛnɔn zɪɛ 'o 'man limlan, 'pian Bali 'ka 'limlan 'li "fo "dɪ.

¹⁸ Bali 'bɔ 'ci 'sɔ 'a nɛn, e -kaa drɛ 'yee 'nɛnnɛn -a. Zozi 'le 'wɪ 'nɔnnɔn nɛn e ya 'wɪ tɪgɪ 'a bɛ, -a 'bɔ 'a nɛn e 'belidɪ 'nɔn -cɛɛ 'nan, -e -kaa kɔn 'e 'pɛ drɛvɛ flin -a.

'Ka "trɔɛn "tɔ Bali wei lɛ, -e 'ka 'ta wɔla "da!

19 'An "bɔɪ Zozinɔn, an 'ka ye "yi 'kpa. 'Wɪ 'gɔɛ -a -cin 'e 'fɔla 'ka 'ji. 'Ka "trɔɛn 'e 'wɪ man! Te 'ka 'lɛbo 'e 'fɔ 'e 'flin -e 'e 'wɪ dɪ! ɛn te 'bli 'e 'fɔ 'ka 'ji tada dɪ!

20 Kɔɔ -te 'bli 'fɔ min ji bɛ, ya'a Bali ci 'sɔ winun dra "fo "dɪ!

21 -Yee "wɛan nɛn 'ka 'wɪ pɛɛnɔn nɛn e min "tri -tɔa Bali 'lɛ bɛ -a 'tɔɪ, 'lee 'wɪ 'wɪdɪ pɛɛnɔn, -e 'ka 'wɪ Bali wei nɛn waa 'vɪ 'cɛɛ bɛ -a man, -e 'e -kɔla 'e 'ka 'si 'wɪ 'ji -le "wɛan.

22 Te 'ka 'fli sɛɛ wɔ 'nan ka ya Bali wei mannan dɪ! 'Pian -te kaa 'man bɛ, 'ka 'ta wɔla "da!

23 -Yɛɛ cɪ 'nan, min nɛn 'e "trɔɛn -tɔa Bali wei lɛ, te ya'a 'ta 'wo "da "dɪɛ, yaa dra "le 'nan min -tɔ 'bɛ 'e 'fli -nanjɛɛn -niannun 'ji, ɛn 'e 'fli -tɔ klɔ 'yɪ.

24 Zɪ e cɛɛn "man ɛn e -kɔ bɛ, 'nun tɔɔn -a -tɔ klɔ 'san 'e 'fli ji.

25 'Pian bii nɛn 'i yɪɛ -trɔa Bali wei tɪgɪ nɛn e min "sia 'wɪ 'wɪdɪ "le nɔanba -ji bɛ -a da bɛ, Bali -fɛa ve 'i man. Kɔɔ 'i "trɔɛn "tɔ -yrɛ, ɛn i kɔala "man, ɛn -a -cin 'ka 'sanlɛ 'i 'ji dɪ, 'pian i 'ta 'wɔla "da.

26 Min nɛn e 'nan e ya Bali -sru, te ya'a 'kɔlaman 'e wei 'kundɪ -a dɪɛ, te e ya 'e 'fli sɛɛ wɔnan. Te -yee 'ta wɔdɪ Bali -sru "bɛ -a -ci "ka "dɪ.

27 'Pian -kaa "tɪ Bali bɔdɪ tɪgɪ nɛn 'nan, blamin 'e yɪɛ 'tɔ "tɪ 'lee "bɔ "ka "da "nɛnnun 'lee -calenun va 'wee yra yɪdɪ -ji. ɛn "nyian 'nan blamin 'e 'fli 'kun -e 'e vɪlɛ 'e 'wɪ 'wɪdɪ "tɔwɪ "drɛ dɪ.

2

Te 'ka min bɔ "va dɪ!

1 'An "bɔɪ Zozinɔn, kaa nɛn ka yi -tɛra mingɔnnɛn -kaa san Zozi Crizi da bɛ, te 'ka min bɔ "va "dɪ.

² 'Ka 'ci "nrɔn 'wɪ 'gʊɛ -a da. Fɛzan -tʊ wla 'cee cin yɪ 'kuin 'e 'pɛ 'wɛ man le -siga, ɛn 'e 'ta le sɔ fɛnyian -a. Seezan -tʊ wla "nyian 'cee cin yɪ 'kɔn 'lein zɪɛ -a -ji, te sɔ "cɛɛndɪ a "da.

³ Min nɛn 'e 'ta le sɔ fɛnyian -a bɛ, kaa -nanjɛn, ɛn 'ka 'nyrannan fɛnyian -nɔn -yrɛ. 'Pian kaa 'vɪ seezan "le "lɛ 'nan: «Bii 'gʊ, "i "tɔ wʊ lou, ɛn -te i ya "va "bɛ, 'i 'nyran 'mɛn pɛin "srɔn "tra.»

⁴ 'Wɪ zɪɛ -a drɛdɪ bɛ, e ya min bʊdɪ "va "wɪdɪ "a.

⁵ 'An "bʊɪ Zozinɔn, an 'ka ye "yi 'kpa. 'Ka "trɔɛn "tɔ 'wɪ 'gʊɛ -yrɛ! Maan ve 'cɛɛ 'nan, minnun nɛn o cɪ seenɔn 'a 'trɛ 'gʊɛ -a da bɛ, Bali o 'si "va 'nan, -e 'e o drɛ fɛnɔn 'a 'wee yi -tɛradɪ 'e da man, -e 'o 'kʊ 'yee mingɔnnɛn trɛ nɛn yaa 'pla minnun nɛn waa ye "yi "bɛ, -wɛ "bɛ -a da.

⁶ 'Pian 'cee vɛ bɛ, ka'a seenɔn 'siala min -a dɪ, fɛnɔn nɛn ka o ye "yi. -Mɛ "le "wɛan nɛn kaa dra zɪ? Fɛnɔn 'bɛ 'tɛ "paa 'ka da, ɛn -wɛɛ -ko 'kaa tin 'banɔn 'cɛɪn -da.

⁷ ɛn -wɛɛ 'tɔ "srɔnman 'tɔ fɛnyian nɛn Zozi Crizi 'tɔ a bɛ -a man.

⁸ Bali -le 'fluba 'ji bɛ, -yee -pei -tɔ wɪ -dan tʊ -a. E ya 'e 'crɛn -tɛdɪ 'nan:

«'I bɔɛzan -tʊ yɪ "yi

"le 'yie 'wɪ 'zʊ!»

-Te 'wɪ zɪɛ -a drɛnan nɛn ka cɪ bɛ, te ka 'wɪ "yi drɛ.

⁹ 'Pian -te ka min 'bʊ "va "bɛ, te ka 'wɪ 'wɪdɪ drɛ. ɛn te Bali -le -pei zɪɛ e tin -tɛa 'ka da Bali 'lɛ.

¹⁰ Kɔɔ -te min Bali -le -pei -tʊwɪ "cɛ srɛ bɛ, te yaa pɛɛnɔn srɛ "fɔ.

¹¹ Bali -a 'vɪ 'nan:

«Te blamin 'e min nan -wɛɛ "dɪ,

ɛn te 'e min -sran -wɛɛ "dɪ!»

En yaa 'vɪ "nyian 'nan:

«Te blamin 'e drɛ min -tɛzan -a dɪ!»

-Te min 'ka min nan -wɛɛɛ dɪ, 'pian ɛn e drɛ min -tɛzan -a bɛ, te ya'a 'ta wɔɛa Bali wei da "fo "dɪ.

¹²-Yee "wɛan maan ve 'cɛɛ 'nan, -te 'ka "ta "we, ɛn 'ka "ta 'wɪ dra bɛ, -a -cin 'e 'kɔn 'ka 'ji 'nan, Bali wei nɛn e min "sia 'wɪ 'wɪdɪ "le nɔanba -ji bɛ, e 'cee tin "baa.

¹³Kɔɔ yi nɛn Bali 'trɛdanɔn 'le tin "baa bɛ, min nɛn ya'a 'e bɔɛnun nyrinda 'silɛ dɪɛ, Bali 'ka -a san nyrinda sia dɪ. 'Pian min nɛn 'e bɔɛnun nyrinda 'si bɛ, te "klan 'e 'kɔn -a san -ji dɪ.

Yi-tɛradɪ Bali da 'lee min drɛ wɪ

¹⁴'An "bɔɪ Zozinɔn, -te min -a 'vɪ 'nan, an yi -tɛala Bali da, te ya'a kɔɔnman 'e drɛ wɪ -a dɪɛ, -a -ci nɛn 'nɔn? -Yee yi -tɛradɪ Bali da zɪɛ, ya'a sia 'wɪ 'ji "fo "dɪ.

¹⁵'Ka 'ci "nrɔn 'wɪ 'gɔɛ -a da. 'Ka "bɔɪ Zozizan 'tɔ a 'ka 'va, -te 'bɛ "cɛɛ dɪ, 'ka "blu Zozizan 'tɔ a 'ka 'va, -a ta sɔ "ka "dɪ, ɛn -a -blifɛ "ka "dɪ.

¹⁶En kaa 'vɪ -yrɛ 'nan: «Kɔ ya yi pee nyan. I -fɔ -trɔɔ. Bali 'e fɛ nɛn yia -wɛɛman bɛ -a -nɔn 'yɪɛ.» 'Pian fɛ nɛn 'e klɪ "man "bɛ, ka'a -nɔnlɛ -yrɛ "dɪ. 'Wɪ zɪɛ -a drɛdɪ bɛ, -a -ci "ka "fo "dɪ.

¹⁷-A -tɔwɪ "nɛn "nyian yi -tɛradɪ Bali da -a. Min nɛn e yi -tɛala Bali da, ɛn ya'a kɔɔnman 'e drɛ wɪnɔn -a dɪɛ, min zɪɛ -yee yi -tɛradɪ Bali da -ci "ka "fo "dɪ.

¹⁸En "nyian bɛ, -te min -a 'vɪ 'mɛn 'nan: «Min -tɔ yi -tɛala Bali da, ɛn min pee "e "yi "dra minnɔn lɛ.»

Tɔɔn maan laabo min zɪɛ -yrɔ 'nan, 'i 'yɪe yi -tɛradɪ Bali da nɛn wa'a kɔɔnman o drɛ wɪ -a dɪɛ, -a -ci -kɔɔn 'mɛn! -E 'an 'mɛn yi -tɛradɪ Bali da -ci -kɔɔn 'yɪɛ 'an drɛ wɪ -a.

19 I yi -tɛala "da 'nan Bali a -tɔwli "cɛ. 'Wɪ 'kpa nɛn. 'Pian -a -cin 'e 'kɔn 'i 'ji 'nan, -yɔ -wɪdɪnɪn "o yi -tɛala "nyian "da zɪ, ɛn o "klanman -yrɔ.

20 -Blɔzan, i ya "vale 'an -ci -kɔn 'yie 'nan, yi -tɛradɪ Bali da nɛn wa'a kɔnman 'o drɛ wɪ -a dɪɛ, -a -ci "ka "dɔɔ?

21 -Mɛ "le "wɛan nɛn Bali -kaa tra Abraam 'sia min tɪglɪ 'a? -A drɛ wɪ man nɛn. Kɔɔ Abraam wɪ "man, ɛn e 'e 'pɪ Izak 'si, yaa -nɔn Bali lɛ 'sraga bɔvɛ -a Bali -pan "davɛ da.

22 Yia 'yi? -A drɛ wɪ 'lee -yee yi -tɛradɪ Bali da drɛ 'tɔwli. ɛn -yee yi -tɛradɪ Bali da 'e 'lɛ sɔɔ -a drɛ wɪ man.

23 'Wɪ 'bɔ zɪɛ -yee "wɛan e ya 'e 'crɛn -tɛdɪ Bali -le 'fluba 'ji 'nan:

«Abraam yi -tɛra Bali wei da,

ɛn Bali -a 'sia min tɪglɪ 'a

'yee yi -tɛradɪ 'e da man.»

Bali -a laabɔ 'e bee.

24 -Yee "wɛan maan 'vɪ 'cɛɛ 'nan, Bali min "siala min tɪglɪ 'a 'e drɛ wɪ 'lee 'yee yi -tɛradɪ 'e da man, 'pian ya'a siala min tɪglɪ 'a 'yee yi -tɛradɪ Bali da 'saza "cɛ "man dɪ.

25 'Wɪ 'tɔwli zɪɛ -yɛɛ drɛ "nyian -kɔnnɛn -wɛɛzan nɛn waa laabo Rab bɛ -yee vɛ -a. Bali -a "sia lɪmɔn tɪglɪ 'a 'e drɛ wɪ man. Kɔɔ minnɪn nɛn Zozue o 'pa 'sia bɛ, e 'pa 'o 'va, ɛn e -si -tɔ kɔn -wɪɛ 'nan 'o 'tɛ -ji "da.

26 Kaa -tɔa 'nan -te 'flɪndɪ -nyan min lɔ bɛ, te e -ka. -A -tɔwli "nɛn "nyian yi -tɛradɪ Bali da -le vɛ -a. Yi -tɛradɪ Bali da nɛn wa'a kɔnman 'o drɛ wɪ -a dɪɛ, te e ya 'e 'kadɪ.

3

Min nrɛn 'le 'wɪ

¹ 'An "bɔɪ Zozinɔn, te 'ka vɪnan 'ka pɛɛnɔn 'e drɛ Bali wei "paanɔn 'a dɪ. Kɔɔ kaa -tɔa 'nan, 'kɔ Bali wei "paanɔn bɛ, Bali 'kɔɛ 'wɪ tin "baa 'plɛblɛ 'e "mlɪan min peenun -le vɛ da.

² -Kaa pɛɛnɔn -pɛ "saanman 'wɪ 'wɪdɪ 'va 'wɪ "kaga "ji. -Te min 'lewei 'ka "saanlɛ -tɔwɪ 'wɪ 'wɪdɪ 'va dɪɛ, te min nɛn -a drɛ wɪ a 'e 'lɛ sɔɔdɪ bɛ, -nyɛn. Te e -kɔlaman 'e 'fli 'kundɪ -a "fo.

³ 'Ka 'ci "nrɔn 'wɪ 'gɔɛ -a da. -Kaa -bulalɛ wɪɛ wo -sɔnɔn 'le, 'nan -e 'o -kaa wei man, -e -kaa -kɔla "o pladɪ -a.

⁴ ɛn "nyɪan bɛ, 'ka 'ci "nrɔn -klɔ -dandannun da. -Te -klɔ a -dan 'kɔ oo, -a -trɔa "vɛ -si yra a "wɛnnɔn. -Te fulɔ 'plɛblɛ a 'ta 'tɔnan "man "bɛ, -a -trɔa "vɛ -si yra "wɛnnɛn zɪɛ -yɛɛ -maan -e -a -fɔzan 'e -trɔa -si yra.

⁵ -A -tɔwɪ "nɛn "nyɪan min nrɛn 'le vɛ -a. E ya min man mɛnnun va "wɛnnɔn, 'pɪan -yɛɛ -maan -e 'wɪ -dan 'e 'fɔla.

ɛn "nyɪan bɛ 'ka 'ci "nrɔn plɔ -dan nɛn 'tɛ "wɛnnɛn -fɔala 'ji bɛ -a da.

⁶ Min nrɛn a "le 'tɛ 'le 'wɪ 'zɔ. -A da nɛn 'wɪ 'wɪdɪ 'tɔ -tɔdɔ pɛɛnɔn cɪ. E ya -kaa man mɛnnun va, ɛn -yɛɛ -kaa munmuan "tri -tɔa. Maan ve 'cɛɛ 'nan, -e 'e 'sia yi nɛn o min -yaa "da "trilii, -e -a -ka yi 'e bɔ bɛ, -a nrɛn 'bɛ 'tɛ wo -yɛɛ 'trɛda va. 'Tɛ zɪɛ Satan -va nɛn e "sia.

⁷ Min -kɔlaman -e 'e luji wi pɛɛnɔn, 'lee "lomannun, 'lee pɔnɛnnun, 'lee fɛ pɛɛnɔn nɛn o 'ta wɔla 'o 'kɔlɛnɛn "bɛ, o 'lɛbɔ.

⁸ 'Pian min -tu 'ka 'kɔlaman 'e nrɛn pladı -a "fo "dı. Fɛ -wlıdı "nɛn, ya'a 'tɔa 'e "pa 'ji flu dıɛ, -nyrɛn. E ya 'e fadı min -tɛ 'yile -a.

⁹ Nrɛn zıɛ -a 'bɔ 'a nɛn -kaa Minsan nɛn e cı -kaa "tı "a bɛ, -a 'tɔ bɔa. ɛn -a 'bɔ 'a nɛn -kaa wei "paala blamin nɛn Bali -a drɛ "le 'yee 'wı 'zɔ bɛ, -a man.

¹⁰ Min 'le 'a nɛn min -fɛa ve min man. ɛn min 'le 'tɔwlı zıɛ -a 'bɔ 'a nɛn min 'e wei "paala min man. 'An beenun, te 'cee vɛ 'e 'kɔn zıɛ dı!

¹¹ Fɛnan nɛn 'yi bɔala bɛ, 'e drɛ 'cee 'wı -kɔɔn "manvɛ -a! 'Yi 'nɔnnɔn 'lee 'yi nyrannyran 'ka 'bɔala fɛ -tɔwlı zıɛ -a -nan 'e cin -a dı.

¹² ɛn "nyian bɛ, -lomin yiba 'ka 'baa -voga -a dı, ɛn -mango yiba 'ka 'baa -lomin -a dı. ɛn 'yi 'wɛwɛa 'lee 'yi 'nɔnnɔn 'ka bɔala 'yi bɔlanan 'tɔwlı "nan dı.

Laji 'wı 'tɔdı

¹³ -Te min -tu a 'ka yei, te 'wı pɛɛnɔn 'cin a "ji, ɛn e 'wı -tɔa "bɛ, 'e -kɔɔn 'yee -kɔndı "yi 'lee 'e drɛ winun tıgı 'a.

¹⁴ 'Pian -te man bɔdı -nɔnnɔn -cin a 'ka 'ji bɛ, te 'ka 'fli -kɔɔn 'cee 'wı 'tɔdı -a "fo "dı. ɛn -te bɔɛ "blıdı -cin a 'ka 'ji bɛ, te 'ka 'fli -kɔɔn 'cee 'wı 'tɔdı -a "fo "dı. Kɔɔ -te 'ka 'fli -kɔɔn 'nan ka ya 'wı 'tɔnɔn 'a bɛ, te ka 'wlu -sɛan.

¹⁵ 'Wı 'tɔdı zıɛ, Bali "cɛɛ 'bɛ -nɔan "dı. E "sia 'trɛda 'gɔ, ɛn min 'bɔ -wulo -ji nɛn e -tɔala. Satan -va nɛn e "sia.

¹⁶ Fɛ nɛn maan ve zıɛ -yɛɛ cı 'nan, -te man bɔdı a fɛnan, ɛn bɔɛ "blıdı a fɛnan bɛ, fɛ zıɛ -a -nan 'ka flu "fo "dı. 'Wı 'wlıdı 'tɔ 'tɔɔv pɛɛnɔn a -nan.

¹⁷ 'Pian 'wı 'tɔdı nɛn e "sia Bali va bɛ, e ya 'wı 'tɔdı tıgı 'a. E min dra min -trɔɔ -a, ɛn e min dra min ci

"yizan 'a. Min z1ε e min wei maan, min nyrinda -
sean "da, εn e "yi "dra min lε. Ya'a min bo "va "d1,
εn ya'a 'w1 'dra -dawli a d1.

¹⁸ Minnun nen waa -wεεman -trɔɔ 'nan minnun
yei 'e 'fɔ -trɔɔ bε, -a 'le 'srannan "bε 'w1 "yi "drɛd1
nun 'bε -taa "bɔlεa.

4

'Ka Satan 'tv1 -e 'ka -sɔɔnla Bali -sru!

¹ -Kulinun a 'ka yei, εn 'w1 'b1ɔd1nun a 'ka yei.
Nyin zia nen 'w1nun z1ε -a pou 'si? Maan ve 'cεε
'nan, 'ka 'bɔ 'wulo -ji "nrɔnd1 -w1ɔd1nun nen ka 'ta
wɔla "da "bε -yεε -maan 'w1nun a 'ka yei.

² Ka ya "vale fε -tv 'e drε 'cee vε -a, 'pian -te ka'a
ye d1ε, te ka 'nand1 'sia min man "le 'ka -tε. εn ka ya
"vale 'nan 'ka bɔεzan -tv -lɔ fε 'e drε 'cee vε -a, 'pian
-te ka'a 'kɔlaman -a y1d1 -a d1ε, te -kulinun 'lee 'w1
'b1ɔd1nun w1a 'ka yei. Fε nen ka c1 "va "bε ka'a ye d1,
ka'a laabo Bali lɔ d1 -le "wεan.

³ εn -te kaa laabv Bali lɔ bε, ya'a nɔan 'cεε d1, kɔɔ
-a laabv "manw1 a -w1ɔd1. Kaa laabo 'nan, -e 'ka 'fli
ci 'sɔ w1nun drε -a.

⁴ Ka "we "fliw1 Bali man "le l1mɔn nen e 'si 'e 'sran
w1u, εn e -kɔ -kɔnnεn pee -va bε -yee 'w1 'zɔ. 'Trɛda
fεnun y1d1 "yi "bε, e ya Bali 'nan man w1 -a. Ka'a -ci
tɔa dɔv? Min oo min nen e 'trɛda fεnun pεεnɔn ye
"yi "bε, 'e 'fli dra Bali 'nanmanzan 'a.

⁵ E ya 'e 'crεn -tɛd1 Bali -le 'fluba 'ji 'nan:

«Lei nen Bali -a -nɔn 'cεε bε,

Bali -a ye "yi, εn e man bo "da!»

Te -a -cin 'e 'kɔn 'ka 'ji 'nan, 'w1 z1ε e ya 'w1 "tun "a
d1!

⁶ 'Pian "yi "nen Bali -a dra -cεε bε e "mlianla "da. Kɔɔ
e ya 'e 'crεn -tɛd1 Bali -le 'fluba 'ji 'nan:

«Minnun nen o 'fli dra -dandan be
Bali 'ka o ye "yi "di.

'Pian e "yi "dra minnun nen

wa'a 'o 'fli kəɔnman dɛ -wɛ.»

⁷ -Yee "wɛan nen 'ka 'wɪ "man 'ka 'ci 'fɪdaa 'a, -e
'ka 'ta wɔla Bali -sru! Te 'ka tɔa Satan ɛ di! 'Ka drɛ
zɪɛ -e 'e 'si 'ka man -kɔɔbli!

⁸ 'Ka -pli Bali man, -e 'e -pli 'ka man! 'Wɪ 'wɪdɪ
"drɛnɔn, 'ka 'pɛ 'e 'si 'wɪ 'wɪdɪ -sru! Kaa nen 'ka 'ci
-fɔɔman Bali -sru 'ta wɔdɪ -ji bɛ, 'ka 'ci 'si 'fɪdaa -e 'ka
'ta wɔla Bali -sru.

⁹ 'Wɪ 'wɪdɪnun nen kaa dra bɛ, -a 'wɪ 'e 'nan 'ka
man! 'O 'ka 'ta drɛ -trɔdrɔ! 'Ka 'wuɔ! 'Ka 'cee 'shɛ
'blɪdɪ lɪla "da -wuɔdɪ -a! 'Ka 'cee 'ci "nrandɪ lɪla "da
-trundɪ -a!

¹⁰ 'Ka 'fli drɛ "wɛnnɔn Bali 'ɛ, -e 'e 'ka drɛ -dan!

Te 'ka min 'tɔ 'tɛ dɪ!

¹¹ 'An "bɔɪ Zozinɔn, te 'ka 'wɪ 'ka cin man -wɪdɪ
"dɪ! Min nen e 'wɪ 'wɪdɪ 'vɪ 'e "bɔɪ -tɔ man, -te 'bɛ "cɛɛ
dɪ yaa 'tɔ 'tɛ bɛ, te e 'wɪ 'wɪdɪ 'vɪ Bali -le -pei man, ɛn
e tin -tɛ "da. -Yɛɛ cɪ 'nan, -te i 'wɪ 'wɪdɪ 'vɪ Bali -le
-pei man bɛ, te yi 'a 'ta wɔɛa "da "dɪ, 'pian te i drɛ -a
man tin 'bazan 'a.

¹² Bali -tɔwɪ 'bɛ -pei -tɔ minnun ɛ, ɛn -yɛɛ cɪ -a ta
tin 'bazan a. -A -tɔwɪ 'bɛ -kɔɔlaman min 'sidɪ -a 'wɪ
'ji, 'lee min -tɛdɪ -a. 'I 'fli "sɪala 'kɔ, ɛn i "we 'i bɛnun
man zɪɛ.

Fɛnɔn, te 'ka 'fli 'sia -dan dɪ!

¹³ Kaa nen kaa ve 'nan: «Cɛɛgɔ 'lee "trɛ "a kv -ko
'fla 'gɔvɛ -a da, kv ɛ -tɔ -tɛa "nan nun, kv 'flɛ -taan -e
'kv "lala yɪ» bɛ, 'ka drɛ "yi!

¹⁴ 'Ka 'a "trɛ wɪ tɔa dɪ. 'Ka ya "le "lolu -koei "wɛnnɛn
nen e -tɔala -voo, -e 'e 'si 'nan bɛ -yee 'wɪ 'zɔ.

15 'Wɪ nɛn kɔ 'ka vɪ bɛ, -nyrɛn 'gv. 'Ka vɪ 'nan: «-Te Minsan wɪ "man 'nan 'belidɪ 'bɔ 'kɔ man bɛ, kɔ fɛ 'gv 'lee fɛ 'gvɛ -a dra.»

16 'Pian ka'a 'wɪ zɪɛ 'bɛ 've dɪ. 'Ka 'fli "siala -dan, ɛn 'ka 'fli -kɔɔnman. 'Wɪ zɪɛ -a drɛdɪ bɛ, e ya -wɪdɪ.

17 Maan ve 'cɛɛ 'nan, min oo min nɛn e 'wɪ 'yi "nɛn kɔ 'e drɛ bɛ -a -tɔa, ɛn ya'a drɛɛ dɪɛ, te e 'wɪ 'wɪdɪ drɛ.

5

Fɛnɔn, 'ka drɛ 'yi, "tɔgɔ 'wɪ 'e bɔ 'ka man!

1 Fɛnɔn, an 'wɪ "paala 'cɛɛ 'nan, 'ka wu 'sia 'plɛblɛ, 'wɪ 'nɔnɔan nɛn e -taa "bɔɛ 'ka man bɛ -yee "wɛan.

2 Tɔ zɪɛ -a man bɛ, 'ka yɪfɛnɔn srɛman, ɛn fadrɔnɛn 'cɛɛ sɔnɔn -ble.

3 -Jeza -fɔa 'cɛɛ -siga 'lee 'cɛɛ "lalanun man. -Jeza zɪɛ -yɛɛ 'ka man wɪ -tɔa lou -e 'e 'ka kɔɛbo "bli "le 'tɛ 'zv. 'Trɛda -nyan tɔ 'bɔ 'kogo, 'pian te ka -ko 'ka yɪfɛnɔn trɛdɪ -a "kaga.

4 Minnɔn nɛn o 'nyranman 'pa 'cɛɛ fei ɛn ka'a o -pan wɔɛ dɪɛ, 'plɛblɛ pɛɛnɔn 'san Bali -wee -paandɪ man.

5 ɛn "nyian bɛ fɛ -tɔ 'ka 'klɪɛ 'ka man dɪ, 'ka 'ci 'sɔ wɪnɔn pɛɛnɔn drɛ 'trɛda. 'Trɛda -nyan tɔ 'bɔ 'kogo, 'pian te ka -ko fɛnɔn -blɪdɪ -a, ɛn ka -ko bɔadɪ -a "le -sru nɛn o ci -a 'lɛ bɔnan 'nan -e 'o -bli bɛ -yee 'wɪ 'zv.

6 ɛn "nyian bɛ minnɔn nɛn wa'a 'wɪ 'tɔ drɛɛ dɪɛ, ka 'wɪ 'pa o da, ɛn ka o tɛɛ. Wa'a 'wɪ 'tɔ vɪɛ dɪ.

'Ka -pɔan 'e 'sɔ!

7 An "bɔɪ Zozinɔn, 'ka -pɔan 'e 'sɔ 'trilii, -e Minsan -ta tɔ 'e bɔ. 'Ka 'ci "nrɔn fei 'pazan nɛn e 'yee fɛ 'wɪɛ -fɔa 'trɛ 'ji bɛ -a da. Yaa man -pɛan -pɔan 'sɔdɪ -a -trilii, -e laa 'e 'fɛn "man, -e -a -tɛ tɔ 'e bɔ.

⁸ 'Ka 'bɔ "nyian, "cee -pɔan 'e 'sɔ zɪɛ! 'Ka -pɔan 'kun, kɔɔ Minsan -tadɪ 'bɔ 'kogo.

⁹ 'An "bɔɪ Zozinɔn, te 'ka cin man wɪ 'pa dɪ, "tɔgɔ Bali 'e tin -tɛ 'ka da! Min nɛn 'e tin -tɛa "min da bɛ, e 'bɔ 'kogo.

¹⁰ Minnun nɛn o Bali 'lewei 'vɪ Minsan 'tɔ da bɛ, o -pɔan 'sɔ 'wee yra yɪdɪ -ji. 'Ka 'ci "nrɔn o da, -e 'o drɛ 'cee 'wɪ -kɔɔn "mannɔn 'a.

¹¹ Minnun nɛn o -pɔan 'sɔ yra yɪdɪ -ji bɛ, kɔa ve o man 'nan 'wee 'wɪ a "yi. Ka Zob -le -pɔan 'sɔdɪ 'wɪ 'man. ɛn fɛ nɛn Bali -a -nɔn -yrɛ -a 'le 'srannan "bɛ, kaa -tɔa. Maan ve 'cɛɛ 'nan, Minsan ci a "yi, ɛn min nyrinda -sɛan "da.

¹² 'An "bɔɪ Zozinɔn, te 'ka 'wɪ 'tɔ -ji -pɛ wluan dɪ! Te 'ka 'pɛ wluan labli man dɪ, ɛn te 'ka 'pɛ wluan 'trɛ man dɪ, ɛn te 'ka 'pɛ wluan "nyian fɛ pee man dɪ! 'Pian 'wɪ tɪgɪ nɛn 'ka vɪ! -Te 'wɪ a 'wɪ 'kpa -a bɛ, 'ka vɪ -inyan! ɛn -te 'wɪ a 'wlu 'a bɛ, 'ka vɪ -cɛjɛ! "Tɔgɔ yi nɛn Bali tin -tɛa 'trɛdanɔn da bɛ, 'e vɪɛ 'e 'ka 'tɔ 'e "tun "dɪ.

'Ka Bali trɔ 'ba!

¹³ -Te min -tɔ a 'ka yei 'nan e ya 'e yra yɪnan bɛ, 'e Bali trɔ 'ba! -Te min -tɔ a 'ka yei 'nan -a ci "nranman bɛ, 'e Bali 'tɔ 'bɔ "dre "fɔ!

¹⁴ -Te min -tɔ a 'ka yei 'nan -a man "yaaman bɛ, 'e -leglizinɔn ceje laabɔ, -e 'o Bali trɔ 'ba -yrɛ, te o 'nyrɔn -sɛan -a -win -ji Minsan 'tɔ da.

¹⁵ -Wee Bali trɔ 'badɪ nɛn waa dra yi -tɛradɪ Bali da -a bɛ, e man "yaazan zɪɛ -a "belia, ɛn Minsan -a wuanla. -Te 'wɪ 'wɪdɪ "nɛn yaa drɛ bɛ, Bali -a fuiman.

¹⁶ -Yee "wɛan nɛn 'ka 'cee 'wɪ 'wɪdɪ "vɪ 'ka cin lɛ 'vaa -e 'ka Bali trɔ 'ba 'ka cin lɛ, 'dɔ -e 'ka 'beli. Kɔɔ

-te min a tɪɣɪ Bali 'lɛ bɛ, -yee Bali trɔ 'badɪ 'e 'bli pɛɛnɔn 'a bɛ, -a 'lɛ a "man.

17 'Ka 'ci "nrɔn 'wɪ nɛn Bali 'lewei vɪzan -tɔ -a drɛ 'li bɛ -a da. Bali 'lewei vɪzan zɪɛ waa laabo Eli, ɛn e ya blamin -a "lɛ -cee 'wɪ 'zɔ. E Bali trɔ 'ba 'e 'bli pɛɛnɔn 'a 'nan, te laa 'e 'fɛn dɪ. ɛn 'wɪ 'kpa, laa 'ka 'fɛnlɛ 'trɛda dɪ. Yaa drɛ lɛ yaaga mlɛn 'shɛɛdɔ.

18 "Bɛ -sru ɛn e Bali trɔ 'ba "nyian, tɔɔn laa 'fɛn, ɛn fɛ pɛɛnɔn bɔdɪ 'sia.

19 'An "bɔɪ Zozinɔn, -te min -tɔ a 'ka yei, ɛn e 'si 'wɪ tɪɣɪ man -kɔɔbli bɛ, 'ka drɛ -e 'e sɔɔnla "nyian 'wɪ tɪɣɪ zɪɛ -a -sru.

20 'Ka -tɔ 'nan, min oo min nɛn yaa drɛ ɛn e 'wɪ 'wɪdɪ "drɛzan 'si 'si 'wɪdɪ "da ɛn yaa sɔɔnla 'wɪ tɪɣɪ -sru "bɛ, -yɛɛ -maan ɛn Bali 'belidɪ nɛn ya'a 'nyaan dɪɛ -a -nɔn min zɪɛ -yɛɛ, kɔɔ Bali -yee 'wɪ 'wɪdɪ pɛɛnɔn fui.

Bali -le 'fluba 'trε Zozi blamin pli Bali man 'e 'pee

New Testament in Yaouré

copyright © 1999 Wycliffe Bible Translators, Inc.

Language: Yaouré

Translation by: Wycliffe Bible Translators, Inc.

Copyright Information

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yaouré

© 1999, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

ff06db1d-9f3b-5426-a70e-8791739b38bc